

海陽縣志卷三十二



列傳一

蔡景歷 六朝

陳坦

陳康年

趙師睿 王衡翁黃申孫

陳穎 已上宋

趙良塘 張明德

陳良甫 已上元

伍遂 郭端饒糖

曾伯良

徐弼

金謚

朱寵

陳察 袁均哲凌霓易維時

李奇俊

揭鴻

馮笏

海陽縣志 卷三十二 列傳一

徐申

劉祖堯

吳達

王演疇

沈鳳超 姚嘉會

黎崇宣

黃文煥 已上明

宦蹟 上

六朝

蔡景歷字茂世濟陽考城人少俊爽有孝行家貧好學善尺牘工草隸釋褐為諸王府佐出為海陽令明敏有能名祀名宦 據周志修

宋

陳坦福建晉江人進士元符中任海陽縣事多善政南渡後連歲

用兵軍儲告匱坦撫民輸課境內救甯時邑學附府學西偏坦捐俸重建於府治之右地即今秩滿占籍海陽祀名宦支裔蕃衍秋溪

陳姓皆其後云據周志張志采訪冊參修

陳康年字季昌晉江人以政和壬辰舍選出知海陽潮陽二縣值歲饑民率逋負康年捐俸代償又出私穀賑之民多所全活薦擢潮州通判行郡事會巨寇黎盛犯境嚴兵急擊賊大挫遁歷官以公廉著時與堯佐並稱二陳祀名宦據周志修

趙師睿紹興閒任邑令築溪東隄王衡翁寶慶閒任修南桂隄又有黃申孫者紹定閒任邑主簿修水南隄據張志修

陳穎字奇之泉州人宋季以父薦授海陽令政尚寬恕悉蠲無名

海陽縣志卷三十一 列傳一

之賦時稱陳佛子祀名宦據周志修

元

趙良塘至大閒任邑尹修隄以衛田廬民咸德之其後有張明德

者至治閒任邑主簿修梅溪隄據張志修

陳良甫福建清流人父震海豐教諭甫隨任寓龍溪都月潭邨卽

憲來縣境至正十二年循州賊曾貴甫等寇海豐潮揭官兵弗能

禦甫率眾奮擊斬獲甚眾以功薦授海陽參簿十五年梅花洋賊

李先鋒鐵山賊張有作等據潮城南募兵克復十七年升潮州推

官越年遷判官輸貲給軍餉助修潮陽興甯長樂城關海豐驛路

十九年升同知加惠潮總管二十二年升廣東道宣慰副使僉都

元帥捍禦江西汀贛湖廣各路民賴以安元亡棄官終隱

據周志修

明

伍遂洪武二年知縣縣治舊在海陽山宋遷州治華萼坊內至遂始就元錄事司故址改建今地成化間郭端就堂基甬道築土甃石宏治間饒糖重建縣廨鼓樓端梧州人有吏才糖字文中南昌人進士皆先後知縣事糖又嘗增建縣學號舍邑士感德云

據張志修

名宦

據學大記修

海陽縣志

卷三十一

列傳一

三

徐弼字良佐漳浦人成化庚子舉人宏治中知縣事修復陷隄以興水利尋改保昌請蠲無征米千餘石民免賠累以不能諂附瑾勒令致仕

據福建通志修

金謐山陰人宏治間由舉人知縣事時北門隄遇水漲崩潰三陽廬室半沈重淵謐捐俸修築甃石立基二百年來民免其魚厥功實鉅邑民陳姓以逐鳩罹大辟冤久莫白謐達監司釋其罪又簡重爲奸婦殞命累年未決微服密訪獲其骨於枯井論婦如律一時頌爲神君祀名宦

據張志修

朱寵湖廣漢陽人嘉靖甲辰進士官海陽知縣有功德於民會被召去民倉皇走道衢爭覩計留不可得至泣下澄海翁萬達爲撰

去思碑碑略曰往者縣胥吏相煽動賈法爲盜奸章賄祇侯大者

所橫暴凌峻亦竟不可問自得吾令祇侯胥吏之徒靡不避懼無復敢睥睨恣睢仕族亦帖帖斂豪股弁而脅息矣往者縣里甲直

官供億日輒費十餘金重苦無郵甚有不旋踵而貧窘死者倍編則視貨重輕訟牘積滯卽不滯亦不中法理自得吾令里甲直費

日不能一金大吏使臣輻輳臨止費繁溢額輒捐貲以充不以責直賦役必手自較定獄訟盈庭迎刃輒解人稱神明卽老吏弗如

云 據翁 東涯集修

陳察字元習常熟人宏治壬戌進士嘉靖七年晉擢南京太僕少

卿疏辭因請召前給事中劉世賢等二十餘人帝怒責以市恩要

名貶遠方雜職補海陽教諭捐介自持不以顯晦移易本身率教

潮士頌之又以學地卑窪議市民地高其基建尊經閣未成遷秩

去十二年爲僉都御史巡撫南贛復捐金成之祀名宦先是宣德

海陽縣志 卷三十一 列傳一

四

五年建昌袁均哲任海陽教諭興學校講禮讓潮士化之其後司

邑鐸者教諭有安遠凌震萬厯閒任增置學田亦祀名宦江甯易

維時天啟閒任倡修文廟訓導則有將樂蕭來鳳萬厯閒任講明

李見羅之學建祠祀之刻大學約言據明史陳察傳阮通志張志參修

李奇俊字士魯晉江人嘉靖中知縣事有修隄功其後知縣事者

浦城姚英亦嘉靖中任築東廂隄晉江秦舜翰隆慶閒任有惠政

去任邑人爲立去思碑并祀名宦據張志修

揭鴻字于漸將樂人嘉靖己酉應天舉人知兵法短小精銳舞槩

如飛初判潮州署海陽兩勦蘆清神山溝及石航倭寇前後斬級

甚眾奪回男婦六百餘人南洋賊王若魯擁眾萬餘焚劫逼城鴻

單騎撫諭探虛實領兵力戰生擒賊首并其餘黨五百人救被擄者三千人轉連州守致仕據福建通志修

馮笏字伯登一作姑蘇人進士隆慶閒知縣事值寇虐糾紛幾務

填溢笏撫瘡痍稽版籍集流移安反側風清弊絕百廢具舉尤加

意學校與陳察同郡察既捐俸建邑學尊經閣笏至益增修之又

於臨街闢倉廩廓規地址每謁廟與諸生親授經旨迪以躬行孝

弟羣士講習勃然有興與兄五芝并以循吏名時人目之爲大馮

君小馮君云據張志參鄭旻劉子興縣學碑修

徐申字維嶽江南長洲人萬曆丁丑進士授海陽令性侃直豪右

斂戢辛巳大成殿壞申倡修之累官至通政使據張志本學記參修

### 海陽縣志 卷三十一 列傳一

劉祖堯臨桂人舉人萬曆中知縣事省刑罰絕餽遺時權稅之命

雷厲風行祖堯單騎橐糗諮詢民情委曲弛張調停盡善民陰受

其利秩滿入覲林熙春作序送之稱爲沈毅敦重善藏其用云據林

忠宣文集修

吳達江西豐城人舉人萬曆中任海陽縣事下車之初歲多厲疫

而內供繁重急催科如捕亡達一意賑恤與民休息時東隄潰議

修久不決達以隄障三邑而勞擅一鄉且比年荒歉令民棄父母

之養日從事胼胝不獲升斗之羨非以佚使民之道迺建議請帑

金母派捐工役所需受田與授田分半當事從其議隄以成逾年

擢守河池州上

王演疇字孟箕鼓澤人進士萬曆閒由醴陵知縣調大埔性簡澹不尚聲華所舉荒政郵傳井井有條皆經久可行以才調海陽一以經術潤飾諸所屬章縫寬里甲汰積蠹清宿案禁圖賴省刑罰簡詞訟嚴筐篚任逾兩載吏習而民安之尋擢南京工部主事

志參城南書莊草修

沈鳳超字石年吳江人進士萬曆中知縣事時東津沙衙隄潰東廂秋溪隆眼城蘇灣諸都禾沒殆盡鳳超甫下車相其地旁多流沙爲水齧隄雖成必圯乃建議中砌地龍以杜滲洩外培荒石以禦衝激又於上流加石磯以障水勢當事違其議迨始事日詣隄所稽勤惰覈工程逾月隄成四都民賴之又定規均役以抒民力

海陽縣志

卷三十二

列傳一

六

歲饑設賑勸輸務期實惠然沈默寡言不竊治能聲故所居無赫赫名去後常見思旣擢任民塑像祀焉同時有推官姚嘉會者治行與鳳超埒在潮亦有專祠後經郝尚久亂燬於兵

國朝康熙中邑人陳衍虞等呈請併移於沈祠重加修葺遂爲姚

沈二公祠

據張志參祠碑修

黎崇宣字孺旬番禺人穎敏有雋才善詩古文詞美鬚髯膂力過人好騎射喜談兵工楷草萬曆三十四年舉人八上春官不第母老乃就海陽教諭潮俗豪紳凌侮後進崇宣率諸生詣監司抗辯士氣乃伸

番禺任志執豪紳僕驛出門外痛箠之大快又請建

文廟啟聖祠崇禎四年成進士授南京廣德州知州以抗直自免

歸起袁州府推官不就優游林下甲申北都變聞以哀痛卒

據番禺志

張志參修

黃文煥字維章福建永福人天啟乙丑進士為文淹博無涯涘歷海陽陽山番禺三縣皆有聲崇禎閒召試擢翰林院編修時以論楊嗣昌陳新甲罪詞連文煥下詔獄獄中箋註楚詞聽直八卷陶詩析義二卷既釋獄乞身歸里寓金陵著有四書詩經鄉嬛毛詩箋易釋老莊註陶杜詩註秦漢文評顏留集館閣詩文彙

據番禺志修

海陽縣志

卷三十二

列傳一

七